



UP1: 03-29-5-1271/19
Sarajevo, 13.01.2012. godine

Na osnovu čl. 46. stav (3) tačka c) i d) i 49. st. (1) i (2) Zakona o komunikacijama („Službeni glasnik BiH“, br. 31/03, 75/06, 32/10 i 98/12) a u vezi sa čl. 11. stav (2) i 15. stav (6) Pravilnika o postupku rješavanja kršenja uslova dozvola i propisa Regulatorne agencije za komunikacije („Službeni glasnik BiH“, broj 18/05), čl. 5. tačka e), čl. 9. stav (1)), 13. stav (1) i 103. Pregleda povreda i odgovarajućih kazni koje izriče Regulatorna agencija za komunikacije („Službeni glasnik BiH“, broj 8/17), postupajući po službenoj dužnosti u postupku protiv Teonet d.o.o. Tuzla, Armije BiH 15-TC, 75 000 Tuzla, pokrenutom radi kršenja člana 7. stav (1) *Pravo na distribuciju* Pravila 79/2016 o dozvolama za distribuciju audiovizuelnih medijskih usluga i medijskih usluga radija („Službeni glasnik BiH“, broj 78/16), u smislu dostavljanja dokaza o riješenim autorskim pravima u pogledu audiovizuelnih djela iz oblasti kolektivnog rješavanja autorskog i srodnih prava, generalni direktor Regulatorne agencije za komunikacije, d o n o s i:

RJEŠENJE

1. Utvrđuje se da Teonet d.o.o. Tuzla nije dostavilo dokaz o riješenim autorskim pravima u pogledu audiovizuelnih djela u smislu ispunjavanja obaveze propisane članom 7. stav (1) Pravila o dozvolama za distribuciju audiovizuelnih medijskih usluga i medijskih usluga radija.
2. Na ime učinjenog prekršaja iz tačke 1. dispozitiva ovog rješenja, Teonet d.o.o. Tuzla se izriče novčana kazna u iznosu od 3 000.00 KM.
3. Nalaže se Teonet d.o.o. Tuzla da u roku od 15 dana od dana prijema ovog rješenja, izvrši uplatu novčane kazne iz tač. 2. dispozitiva ovog rješenja na račun Regulatorne agencije za komunikacije: 161000033470055, kod Raiffeisen Bank d.d. Bosna i Hercegovina.
4. U slučaju neplaćanja novčane kazne u roku iz tačke 3. dispozitiva ovog rješenja, Teonet d.o.o. Tuzla dužan je da, pored iznosa utvrđenog glavnog duga, plati i zakonsku zateznu kamatu na iznos glavnog duga prema Zakonu o visini stope zatezne kamate, počev od dana izvršnosti ovog rješenja.
5. Teonet d.o.o. Tuzla, stavlja se na znanje da svako ponovljeno kršenje uslova Dozvole i/ili ostalih propisa Agencije može rezultirati izricanjem strožije sankcije.
6. Žalba ne odlaže izvršenje rješenja.

Obrazloženje

Regulatorna agencija za komunikacije (Agencija) je Teonet d.o.o. Tuzla, dana 8.4., 2.7. i 6.11.2019. godine uputila dopise kojim je traženo dostavljanje dokaza (saglasnost/ugovor) o riješenim autorskim pravima u pogledu audiovizuelnih djela, u okviru ispunjavanja obaveze iz člana 7. stav (1) Pravila 79/2016 o dozvolama za distribuciju audiovizuelnih medijskih usluga i medijskih usluga radija (Pravilo 79/2016), kojim je propisano da je „*prije uključenja pojedine audiovizuelne medijske usluge*

i medijske usluge radija u uslužni paket, korisnik dozvole dužan pribaviti prethodne pismene saglasnosti od vlasnika programskih sadržaja ili njihovih ovlaštenih predstavnika“.

Dostavljanje traženih informacija i dokaza podrazumijevalo je obavezu dostavljanja potpisanih pojedinačnih ugovora na osnovu kolektivnog ugovora koji je potpisan između Asocijacije kablovskih i mrežnih operatera u BiH (AKOP) i Udruge filmske industrije (UFI), licencirane za kolektivno ostvarivanje prava na naknadu za kablovsko reemitovanje audiovizuelnih djela, ili dokaza o uplati/deponovanju novčanih sredstava u skladu sa članom 26. Zakona o kolektivnom ostvarivanju autorskih i srodnih prava („Službeni glasnik BiH“, broj 63/10), kojim je propisano:

(1) Korisnik autorskih djela iz repertoara kolektivne organizacije može bilo kada tražiti sklapanje ugovora o neisključivom prenosu prava za upotrebu tih djela, prema važećem kolektivnom ugovoru, odnosno važećoj privremenoj tarifi, ako u tom trenutku takva postoji.

(2) Ako ugovor o neisključivom prenosu prava za upotrebu zaštićenih djela nije sklopljen, smatra se da je odgovarajuće pravo preneseno ukoliko korisnik plati na račun kolektivne organizacije ili na poseban račun kod suda ili notara iznos koji bi naplatila kolektivna organizacija prema važećoj tarifi.

Izvršavanje navedene obaveze rezultat je i preduzimanja mjera iz člana 3. stav 4. Zakona o komunikacijama kojim je propisano: „Regulatorna agencija za komunikacije nadležna je da u skladu s nadležnostima propisanim ovim zakonom, preduzima sve razumne mjere za ostvarenje, pored ostalog, zaštite autorskih prava i drugih prava na intelektualnu svojinu“, kao i aktivnosti utvrđenih tačkom 4. dispozitiva rješenja kojim je za Teonet d.o.o. Tuzla izdata dozvola za distribuciju audiovizuelnih medijskih usluga i medijskih usluga radija, a kojom je propisano: „Regulatorna agencija za komunikacije, nezavisno od generalnih ovlaštenja da vrši kontrolu poštovanja primjenjivih pravila, naglašava da će u periodu trajanja dozvole iz tačke 1. dispozitiva ovog rješenja, vršiti povremenu reviziju u vezi sa primjenom relevantnih obaveza iz oblasti kolektivnog rješavanja autorskih i srodnih prava u vezi sa distribucijom audiovizuelnih medijskih usluga i medijskih usluga radija, a u smislu člana 3. stav (4) tačka d) Zakona o komunikacijama“.

Teonet d.o.o. Tuzla nije dostavio tražene informacije i dokaze.

Dana 11.12.2019. godine, Agencija je firmi Teonet d.o.o. Tuzla uputila obavještenje o pokretanju postupka mogućeg kršenja člana 7. stav (1) Pravila 79/2016, poziv UP1:03-29-5-1271/19 da se izjasni na navode o mogućem kršenju gore navedenog člana u roku od sedam dana od dana prijema dopisa, te da dostavi traženi dokaz, a u cilju utvrđivanja svih činjenica i okolnosti od značaja za rješavanje ovog slučaja.

Uvidom u dostavnicu, ustanovljeno je da je Teonet d.o.o. Tuzla zaprimio navedeni dopis dana 26.12.2019. godine. Do dana izdavanja ovog Rješenja, Teonet d.o.o. Tuzla se nije izjasnio na gore navedene navode niti je dostavio traženi dokaz.

Nakon razmatranja cjelokupnog činjeničnog stanja radi utvrđivanja da li je u konkretnom slučaju učinjeno kršenje odredbe člana 7. st. (1) *Pravo na distribuciju* Pravila 79/2016, zaključeno je:

- da je Teonet d.o.o. Tuzla pružao uslugu distribucije na komercijalnoj osnovi, imajući u vidu da je broj pretplatnika u 2017. godini iznosio 274, a u 2018. godini iznosio 276 pretplatnika, što znači da je iskorištavao prava iz oblasti kolektivnog rješavanja autorskog i srodnih prava za prethodne godine,
- da, po informacijama koje je Agencija pribavila od kolektivne organizacije UFI, Teonet d.o.o. Tuzla nije potpisao pojedinačni ugovor na osnovu kolektivnog ugovora koji je potpisan između UFI i AKOP,
- da Teonet d.o.o. Tuzla nije dostavio dokaz o uplati/deponovanju novčanih sredstava u skladu sa članom 26. Zakona o kolektivnom ostvarivanju autorskih i srodnih prava,

Obrazac br. 2

TAKSA - TAR BROJ 2

ZA ŽALBU PROTIV RJEŠENJA I ZAKLJUČKA (kad je dozvoljena posebna žalba)

Uplatilo je (ime, adresa i telefon) _____

Ročun pošiljaoca / pošiljalca: _____


Sviha doznake: ADMINISTRATIVNA TAKSA
(NAZIV/BROJ AKTA/PREDMETA PO KOJEM SE VRŠI UPLATA)

Račun primaoca primatelja: _____

Primalac/Primatelj: _____ KM **10,00** HMO

JRT - TREZOR BIH - TAKSE samo za uplate javnih prihoda

Idjesto i datum uplate: _____ Broj poreznog obveznika: _____ Vrsta uplate: **0**

Potpis i pečat nalagodavca: _____  Vrsta prihoda: **722102** Porezni period: Od: _____ Do: _____

Potpis ovlaštenog lica: _____ Općina: _____ Budžetska organizacija: **0704999**

Poziv na broj: **0000000000**

NAPOMENA:

UPLATNI RAČUNI:

- 3380002210018390 (Unikredit banka d.d. Mostar)
- 5520040002547572 (Hypo Alpe Adria Bank a.d.)
- 5517902220404858 (Unikredit banka a.d. Banja Luka)
- 1610000010751006 (Raiffeisen banka)

- U RUBRIKU **IDENTIFIKACIONI BROJ** PRAVNA LICA UPISUJU IDENTIFIKACIONI TRINAESTOCIFRENI BROJ, A FIZIČKA LICA JMBG ILI POLJE POPUNITI BROJEVIMA "1" AKO UPLATU VRŠI STRANAC

- U RUBRIKU **OPĆINA** UPISUJE SE ŠIFRA OPĆINE PREBIVALIŠTA – SJEDIŠTA UPLATIOCA

- **POREZNI PERIOD.** - TREBA DA ODGOVARA DATUMU UPLATE;

- **NAKON IZVRŠENE UPLATE S. PRIMJERAK UPLATNICE SE DOSTAVLJA AGENCIJI**